

O snaživanje procesa integracije BiH u EU



Obraćajući se na seminaru o «O snaživanju evropske perspektive Zapadnog Balkana», koji je organiziralo Savezno ministarstvo za evropske i međunarodne poslove Republike Austrije, visoki predstavnik i specijalni predstavnik EU Valentin Inzko izjavio je da su mogući pozitivni rezultati kada je EU dosljedna u zahtjevima, a prednosti za građane očite. «Prilično brzo je ostvaren značajan nivo zakonodavne i administrativne reorganizacije – nakon godina kašnjenja – kada je postalo jasno da će se stranke na vlasti, ukoliko nastave da blokiraju bezvizni režim, suočiti sa neodrživim stepenom nezadovoljstva građana.» On je rekao da pitanje bezviznog režima pokazuje vezu između reformi, prednosti i otvorenosti EU.

Visoki predstavnik i specijalni predstavnik EU rekao je da je sve pozitivniji stav zemalja u regionu pomogao da se «stvari atmosfera u kojoj su sada moguće stvari za koje se samo prije dvije ili tri godine činilo da su nemoguće. I upravo zbog toga dodatno osnaživanje procesa integracija ne samo da je poželjno već je i krajnje hitno – jer sada imamo šansu, a ta šansa neće neograničeno ostati otvorena.»